



NEWSLETTER BR. 16

FEBRUAR 2016

SADRŽAJ

FIPA AKTIVNOSTI ≡

- » Predstavnici Agencije FIPA održali sastanak sa načelnikom Općine Istočni Mostar
- » Načelnik Općine Krupa na Uni posjetio FIPA-u
- » Predsjednik Fondacije BIGMEV posjetio FIPA-u
- » Predstavnik Ministarstva trgovine SAD posjetio FIPA-u
- » 29 grčkih kompanija dolaze na razgovore o investiranju u BiH
- » Ambasador Pakistana posjetio FIPA-u
- » Iranske firme zainteresirane za ulaganja u BiH
- » Ambasador SR Njemačke posjetio FIPA-u
- » Posjeta predstavnika FIPA-e Općini Olovo
- » Ministar Šarović posjetio FIPA-u
- » Direktor kompanije DLB Group posjetio FIPA-u
- » Izvršni direktor "Buroj Property Development" prvi put posjetio FIPA-u
- » Predstavnici Agencije FIPA održali sastanak u EPHZHB
- » Održan sastanak Suradničke mreže za podršku stranim investitorima u BiH
- » FIPA na konferenciji „Turizam u BiH u službi ekonomskog razvoja i rasta“ u Banja Luci
- » Predstavnici Agencije FIPA posjetili Općinu Hadžići
- » Direktor Milinić razgovarao sa direktoricom Gradske razvojne agencije Istočno Sarajevo
- » Trgovački savjetnik Ambasade Sjedinjenih Američkih Država u BiH posjetio Agenciju FIPA
- » CAPITAL GROUP U FIPA-i: ULAGANJE PREKO 300 MILIONA KM U ENERGETIKU
- » Sastanak direktora FIPA-e se načelnikom Općine Donji Žabar
- » Sastanak direktora FIPA-e sa predstavnicima Projekta poboljšanja poslovnog okruženja i konkurentnosti u BiH kojeg implementira Svjetska banka
- » Direktor Milinić razgovarao sa načelnikom Općine Istočni Mostar g. Palavestra
- » Direktor Agencije FIPA primio ministra savjetnika Ambasade Slovenije u BiH
- » Direktor Agencije FIPA primio sekretara za ekonomske i trgovačke odnose Ambasade Grčke u BiH

POSLOVNE VIJESTI ≡

- » Grad Prijedor na top 10 listi europskih gradova i regija budućnosti
- » BiH može očekivati rast BDP-a do 3,1 odsto u 2016
- » Excel Assemblies ponovo radi

FIPA AKTIVNOSTI ≡



PREDSTAVNICI AGENCIJE FIPA ODRŽALI SASTANAK SA NAČELNIKOM OPĆINE ISTOČNI MOSTAR



NAČELNIK OPĆINE KRUPA NA UNI
POSJETIO FIPA-U ≡



...I JOŠ FIPA AKTIVNOSTI...



PREDSTAVNICI AGENCIJE FIPA ODRŽALI SASTANAK SA NAČELNIKOM OPĆINE ISTOČNI MOSTAR



29.02.016 godine, predstavnici Agencije za unapređenje stranih ulaganja Bosne i Hercegovine (FIPA) Amir Kazić i Marija Crnjac održali su sastanak u prostorijama FIPA-e sa gosp. Radovanom Palavestra načelnikom Općine Istočni Mostar.

Gosp. Palavestra je predstavio investicijske projekte sa kojima raspolaže Istočni Mostar.

Kao najznačajniji infrastrukturni projekat istaknuta je izgradnja saobraćajnice Ruište – Zijemlja i Zijemlja - Nevesinje. Zatim je navedena planirana izgradnja vjetroelektrane u mjestu Zijemlja, za koju je firma Eol Prvi iz Beograda izvršila potrebna mjerenja. Predviđena je ukupna instalirana snaga vjetroparka od 158,4MW (48 x 3,3MW). Izgradnja solarnih elektrana planirana je na području Kamene, gdje je izmjereno 2500 sunčanih sati godišnje.

Gosp. Palavestra je naveo i pogodnost za izgradnju tvornice peleta, zbog velikih potencijala otpadnog drveta. Općina bi dala kompletno zemljište na korištenje, pod uvjetom zapošljavanja nove radne snage.

Na području Istočnog Mostara postoje također i veliki resursi za razvoj turizma, poljoprivrede i stočarstva.



NAČELNIK OPĆINE KRUPA NA UNI POSJETIO FIPA-U



Na sastanku sa direktorom Agencije FIPA Gordanom Milinićem, načelnik Općine Krupa na Uni Gojko Kličković predstavio je mogućnosti koje ova Općina može ponuditi potencijalnim stranim ulagačima, poput energetike, turizma, poljoprivrede, stočarstva i proizvodnje hrane.

Načelnik je naveo da ovaj kraj broji 1.500 muznih krava, i da je cilj da postignu broj od 2.000 u narednom periodu, te da će biti organizirana Zadruga koja će otkupljivati mlijeko. Takođe krajem ove godine planiraju zasaditi 100.000 sadnica maline, za što im je potrebno instaliranje hladnjače. Radi se i na projektima proizvodnje autohtone pastrmke u ribnjacima.

Naveo je projekat izgradnje četiri mini hidro centrale ukupne jačine 1MW za koje traže finansijsku podršku, kao i projekat „Bašta sljzove boje” u Hašanima koji podrazumijeva 70 različitih sadržaja od kulturnih do proizvodnih pogona.

Direktor Milinić je istakao spremnost FIPA-e da spomenute projekte uvrsti u bazu projekata Agencije, da ih predstavi ciljnoj grupi investitora i da uputi eventualno zainteresirane investitore u Općinu.



PREDSJEDNIK FONDACIJE BIGMEV POSJETIO FIPA-U



Muzafer Cilek, predsjednik Fondacije BIGMEV i vlasnik kompanije Cilek, razgovarao je sa direktorom FIPA-e Gordanom Milinićem o mogućnostima saradnje između BIGMEV-a i FIPA-e, kao i saradnje na privlačenju investicija iz Turske u BiH. Fondacija BIGMEV je osnovana prije pet godina sa ciljem unapređenja ekonomskih odnosa između BiH i Turske. Angažovani su na više projekata koji imaju za cilj izvoz bh. proizvoda u Tursku, kao i pretvaranje 50 bilateralnih sporazuma o bratimljenju između turskih i bh. opština u konkretnu korist, tj. u investicije. Cilj im je da se saradnja odvija ravnomjerno po cijloj BiH, a pozitivna iskustva imaju sa Mostarom, Dobojem i Distriktom Brčko. Kompanija Cilek koja se bavi proizvodnjom dječijeg namještaja, posluje u 66 zemalja svijeta, posjeduje 450 prodajnih mjesta i broje 2000 zaposlenih.

U BiH osim prodajnih salona, posjeduju firmu koja se bavi organskom proizvodnjom, firmu koja posluje u oblasti turizma, građevinsku firmu i trenutno grade dvije male hidrocentrale. Direktor Milinić je istakao da je za svaku zemlju najvažnija privreda i zapošljavanje ljudi, da u Bosni i Hercegovini ima mnogo nezaposlenih i da je svako novo radno mjesto dragocjeno.

Smatra da nivo investicija iz Turske u BiH treba biti mnogo veći s obzirom na dobru političku, kulturnu i obrazovnu saradnju između dvije zemlje.

FIPA će u saradnji sa Ministarstvom vanjskih poslova BiH intenzivirati saradnju na način da će BiH ambasade raditi mnogo više na privlačenju stranih investitora, kao i sa bh. dijasporom u svijetu. FIPA konstantno radi na pronalasku novih kontakata u inostranstvu i stoji na raspolaganju svim potencijalnim investitorima koji su zainteresovani za ulaganje u BiH.



PREDSTAVNIK MINISTARSTVA TRGOVINE SAD POSJETIO FIPA-U



Sonia Delman, menadžer Programa za razvoj trgovačkog prava (CLDP) za Europu i Euroaziju Ministarstva trgovine SAD, razgovarala je sa direktorom Agencije FIPA Gordanom Milinićem i njegovim saradnicima o aktivnostima koje se provode u BiH kroz ovaj program, poput tehničke podrške u razvoju trgovačkog prava, razvoju prava intelektualnog vlasništva, kao i arbitraže. CLDP pruža tehničku pomoć u BiH od 2009. godine.

CLDP programi su uključivali izgradnju kapaciteta za pravosuđe vezano za intelektualno vlasništvo, uključujući pomoć pri pisanju i objavljivanju sudske "benchbook" sa smjernicama za sudije nadležnim za intelektualno vlasništvo, kao i druga komercijalna pitanja, kao što su stečaj i insolventnost i rješavanje međunarodnih sporova oko kupoprodajnih ugovora. CLDP također radi na promociji međunarodnog sistema arbitraže u BiH, uključujući i saradnju sa Udruženjem Arbitri, itd.

Osnovan 1992. godine, CLDP je Odjel Ministarstva trgovine Sjedinjenih Američkih Država koja pomaže u postizanju ciljeva vanjske politike Sjedinjenih Američkih Država u zemljama u razvoju i postkonfliktnim zemljama kroz reforme komercijalnih prava. Direktor Milinić je istakao potrebu donošenja modernih zakonskih rješenja u BiH sa ciljem poboljšanja konkurentnosti zemlje i privlačenja značajnijih stranih ulaganja.

Pozvao je gđu. Delman da prenese američkim privrednicima impresije o BiH i njenim mogućnostima za investiranje.



29 GRČKIH KOMPANIJA DOLAZE NA RAZGOVORE O INVESTIRANJU U BIH



Ambasador Grčke u BiH N.J.E. Karolos Gadis razgovarao je sa direktorom Agencije FIPA Gordanom Milinićem o posjeti visoke delegacije Vlade Grčke Bosni i Hercegovini 16 marta 2016. godine, u okviru koje će biti održan Poslovni forum BiH-Grčka na kojem će učestvovati 29 kompanija iz Grčke zainteresiranih za ulaganja i ekonomsku suradnju sa bh. privrednicima.

Grčke firme su zainteresirane za projekte iz oblasti turizma, građevinske industrije, energetske infrastrukture i upravljanje vodama. Takođe postoji interes i za otvaranje filijale jedne od grčkih banaka u BiH koja bi bila na usluzi i finansijski podržavala grčke investicije u BiH.

Sa grčke strane postoji i interes za uspostavljanja avio-linije između BiH i Grčke što bi doprinijelo značajnijoj suradnji u oblasti turizma i povećalo ekonomsku suradnju između dvije zemlje.

Agencija FIPA će u narednom periodu voditi intenzivne razgovore i pripreme sa Ambasadorom Grčke oko pripreme adekvatnih projekata za koje je iskazan interes, a koji će biti predstavljeni na forumu.

FIPA će takođe biti na raspolagju svim grčkim investitorima od implementacije investicija do okončanja investicijskih projekata.



AMBASADOR PAKISTANA POSJETIO FIPA-U



Dugotrajne procedure za izdavanje viza prepreka za veće prisustvo pakistanskih investitora u BiH
Ambasador Pakistana u BiH Nj.E. Muhammad Yousaf posjetio je Agenciju FIPA i sa direktorom Gordanom Milinićem i njegovim suradnicima razgovarao o mogućnostima unapređenja ekonomske suradnje između dvije zemlje, posebno o mogućnostima novih pakistanskih investicija u BiH.

G. Milinić je informirao ambasadora Yousafa o aktivnostima i nadležnostima Agencije, ističući da FIPA stoji na raspolaganju svim investitorima od samog pokretanja poslovanja, tj. registracije firme preko pomoći oko izdavanja papirologije do same realizacije investicije, kao i u otklanjanju prepreka u poslovanju. Naglasio je da je FIPA povezana sa svim nadležnim institucijama počev od općinskih, preko kantonalnih i entitetskih do institucija na nivou BiH, sa ciljem suradnje u stvaranju povoljnog ambijenta za privlačenje stranih investicija.

FIPA je spremna da i pakistanske potencijalne investitore snabdijeva informacijama o svim bitnim pokazateljima, poslovnom okruženju, zakonskim okvirima, atraktivnim sektorima i dostupnim investicijskim projektima i lokacijama.
Ambasador Yousaf je istakao da kod pakistanskih investitora postoji veliki interes za Bosnu u Hercegovinu, ali su dugotrajne procedure za izdavanja bh.viza za privrednike Pakistana jedna od prepreka za veće prisustvo pakistanskih investitora na bh. tržištu. Međutim, ima nekoliko primjera uspješnih investicija, među kojima je i mljekara Milgor Goražde. Ambasada planira informirati pakistanske privrednike i o aktuelnim privatizacijama u BiH u ovoj godini i pozvati ih da u njima učestvuju.

Postoje velike mogućnosti i šanse za suradnju u oblasti drvne industrije, proizvodnje namještaja, tekstilne industrije i plastične galanterije, te će bosansko-hercegovačke kompanije Poly, Prevent, Bingo i Kismet u aprilu posjetiti Pakistan. Agencija FIPA će biti u stalnom kontaktu sa Ambasadom Pakistana i na usluzi potencijalnim investitorima.



IRANSKE FIRME ZAINTERESIRANE ZA ULAGANJA U BIH



Ambasador Islamske Republike Iran N.J.E. Sejed Hosein Radžabi posjetio je Agenciju FIPA i susreo se sa direktorom Gordanom Milinićem.

Ambasador Radžabi je naveo da se nakon dugog perioda sankcija otvaraju mogućnosti za ekonomsku suradnju sa Bosnom i Hercegovinom, posebno privatnim sektorom, te da su iranske firme zainteresirane za ulaganja u oblasti energetike, poljoprivrede, rudarstva, metalnog i sektora turizma, te industriji auto-dijelova. Zainteresirani su i za učešće na sajmovima koji se organiziraju u BiH.

Istakao je činjenicu da velike mogućnosti postoje za suradnju u oblasti turizma s obzirom na činjenicu da 5 miliona Iranaca godišnje posjete samo Istanbul.

Takođe je spomenuo da državljani Irana čekaju 45 dana za dobijanje bh. vize, dok Schengen vizu dobiju za sedam dana. S obzirom na iskazani interes za ulaganje u BiH, direktor Milinić je obećao da će predstavnici FIPA-e pripremiti sve potrebne informacije o BiH, njenim potencijalima i mogućnostima za ulaganje, da će ih dostaviti Ambasadi Irana, te da će biti na raspolaganju svim potencijalnim investitorima.

FIPA će takođe obavijestiti Ambasadu o planiranom održavanju sajmova u BiH kako bi se iranske firme mogle prijaviti za učešće.



AMBASADOR SR NJEMAČKE POSJETIO FIPA-U



Ambasador Savezne Republike Njemačke u BiH Nj.E. Christian Hellbach posjetio je danas Agenciju za unapređenje stranih investicija u BiH (FIPA) i zaželio puno uspjeha u radu novom direktoru Gordanu Miliniću i njegovim suradnicima. Ambasador Hellbach je istakao da SR Njemačka snažno podržava ekonomski razvoj BiH, socijalnu reformu i politiku koja vodi napretku zemlje. Na listi najznačajnijih investitora u BiH SR Njemačka zauzima šesto mjesto, a ujedno je i među najvećim donatorima.

Najveći investitori iz SR Njemačke, kao što su Heidelberg Zement, Messer Griesheim, Xella International, Meggle Eastern Europe, Zott Holding International i drugi uspješno posluju u BiH i prave planove o reinvestiranju, a u toku je još nekoliko značajnih investicija iz SR Njemačke. Njemački fond KfW je uključen u implementaciju vjetro parkova Mesihovina, Podveležje i Hrgud. Na sastanku je dogovoreno da sve potencijalne investitore u BiH Ambasada SR Njemačke upućuje u FIPA-u, koja će ih pratiti i pomagati im od samog početka projekta, pratiti ih u realizaciji investicije, registraciji biznisa, pribavljanju neophodne dokumentacije i otklanjanju eventualnih prepreka.

Ambasador je skrenuo pažnju i na nekoliko njemačkih investitora koji trenutno imaju probleme sa lokalnom administracijom i predložio da se FIPA preko svog „Aftercare“ programa angažira na rješavanju tih problema. Takođe je dogovoreno intenziviranje suradnje FIPA-e sa Predstavništvom njemačke privrede u BiH.



POSJETA PREDSTAVNIKA FIPA-E OPĆINI OLOVO



Predstavnici Agencije FIPA Maida Bećirović i Adrijana Marić posjetili su 23. februara Općinu Olovo gdje su se susreli sa načelnikom općine Memagićem.

Razgovaralo se o mogućnostima suradnje i projektima iz turizma banja Aquaterm Olovo, potom iz energetskog sektora, više manjih hidrocentrala (do 4MW) na rijeci Biostici, te iz drvnog sektora.



MINISTAR ŠAROVIĆ POSJETIO FIPA-U



U petak 19. februara 2016. godine, podpredsjednik Vijeća ministara i ministar vanjske trgovine i ekonomskih odnosa BiH Mirko Šarović i saradnici održali su sastanak sa rukovodstvom Agencije za unapređenje stranih investicija u BiH (FIPA) na čelu sa direktorom Gordanom Milinićem i članovima Upravnog odbora Agencije. Na sastanku se razgovaralo o budućoj saradnji Ministarstva i Agencije FIPA u stvaranju povoljnog poslovnog okruženja za privlačenje stranih investicija. Ministar Šarović je istakao da je potrebno da sve nadležne institucije u BiH počev od Ministarstva, FIPA-e, privrednih komora i FIC-a zajednički rade na unapređenju poslovnog ambijenta i konkurentnosti BiH u narednom periodu, kako bi se izbjegle paralelne aktivnosti više nadležnih sa slabim učincima, što je bio slučaj prethodnih godina. Analizirane su slabosti i poteškoće poslovnog ambijenta u BiH na čijem unapređenju će se zajednički raditi tokom 2016. godine sa ciljem povećanja stranih investicija, poboljšanja standarda građana BiH i ekonomskog oporavka zemlje. Direktor Milinić je istakao da će rad Agencije u 2016 karakterizirati pronalazak stranih investitora i uspostavljanje novih kontakata sa udruženjima privrednika u inostranstvu. Takođe je naveo da su određene kineske firme zainteresirane za termoelektrane u BiH, da su Japanci zainteresirani za energetske projekte, drvnu industriju, poljoprivredu i proizvodnju hrane, da su Brazilci zainteresirani za poljoprivredu, te da se radi na uspostavljanju veće suradnje sa njemačkim i američkim investitorima. Branimir Muidža, predsjednik Vijeća stranih investitora BiH (FIC), je rekao da su politička nestabilnost, birokracija i porezi, parafiskalni nameti, dugotrajne procedure za izdavanje određenih dozvole prepreke za strane investitore u BiH. Naveo je primjer da mu je za otvaranje cementare na koridoru Vc potrebno obezbijediti 11 dozvola, a da izdavanje dozvole traje šest mjeseci. Takođe je naveo činjenicu da niko od investitora koji okuplja ovo udruženje nije izgubio svoj kapital u BiH i da je veći broj spreman na reinvestiranje.

Zaključci sastanka su slijedeći:

- Ministarstvo vanjske trgovine i ekonomskih odnosa BiH je dalo punu podršku radu Agencije
- Koodinirat će se zajednički nastupi nadležnih institucija na promociji BiH i poboljšanja poslovnog ambijenta
- FIPA će analizirati prepreke u poslovnom okruženju i dostavljat će ih nadležnim na razmatranje i usvajanje



DIREKTOR KOMPANIJE „DLB GROUP“ POSJETIO FIPA-U



Direktor Agencije FIPA Gordan Milinić i saradnici održao je sastanak 17. februara 2016. godine sa g. Ivanom Kindlerom von Knoblochom, direktorom kompanije „DLB Group“ za Španiju i ekspertom za privlačenje stranih investicija Fondacije „Jarl Hjalmarson“ iz Švedske.

„DLB Group“ je vodeća marketinška agencija koja pruža usluge iz domena digitalnih medija, trgovačkog marketinga, organiziranja promotivnih događaja, brendiranja, dizajna i PR-a.

Na sastanku je razgovarano o uspostavljanu suradnje u procesu privlačenja stranih investitora iz Španije u BiH. Predstavnici FIPA-e su upoznali g. Kindlera sa aktivnostima Agencije u procesu privlačenja stranih investitora, atraktivnim sektorima i projektima koji bi mogli biti interesantni potencijalnim investitorima. FIPA će dostaviti osnovne informacije o poslovnom ambijentu i investicijskim potencijalima Bosne i Hercegovine, kako bi g. Kindler mogao upoznati svoje klijente sa mogućnostima koje im se nude u BiH.

Dogovoreno je i da će predstavnici FIPA-e dobiti kontakte kompanija potencijalnih investitora iz Španije kako bi pripremili adekvatne projekte i informacije o lokacijama za investiranje, te organizovali posjetu Bosni i Hercegovini. Konstatovano je da bi se mogla ostvariti uspješna suradnja s obzirom na činjenicu da brojne španske kompanije traže nove lokacije za ulaganje.

Bosna i Hercegovina je vrlo blizu Europske unije, imamo kvalitetnu radnu snagu, atraktivne lokacije za investiranje, niske operativne troškove i brojne ugovore o slobodnoj trgovini.



IZVRŠNI DIREKTOR “BUROJ PROPERTY DEVELOPMENT” PRVI PUT POSJETIO FIPA-U



Direktor Agencije FIPA Gordan Milinić primio je izvršnog direktora kompanije “Buroj Property Development” iz Dubaija Ahmeda Ismaila sa kojim je razgovarao o višemilionskoj investiciji koju ova firma počinje realizirati u maju ove godine na području Općine Trnovo. Investicijski projekat pod nazivom „Buroj Ozone”- turistički grad će se realizirati na ukupnoj površini od 137 hektara ili 1.370.000m² površine. “Buroj Property Development” je firma sa sjedištem u Dubaiju, a posluju u oblasti nekretnina, inženjerskom konsaltingu, građevinarstvu i trgovini. G. Ismail je istakao da je Bosna i Hercegovina zemlja bogata prirodnim resursima i ljepotom, da su poteškoće sa kojima su se suočili prilikom prvih poslovnih koraka prevaziđene, te da danas Bosnu i Hercegovinu smatraju sigurnom zemljom i dobrim mjestom za ulaganje. Pojasnio je da su se odlučili za Općinu Trnovo, s obzirom da ovo područje obiluje prirodnim bogatstvom, kvalitetom vode, zraka, te da se nalazi na 15 minuta udaljenosti od olimpijske planine i aerodroma. Na realizaciji navedenog projekta bit će angažirane i domaće i strane građevinske firme koje će otvoriti svoje urede u BiH, a što automatski znači zapošljavanje bh. građana. G. Ismail je također naveo da je najava realizacije projekta „Buroj Ozone” doprinijela povećanju broja turista u BiH iz zemalja Golfskog zaljeva, te poboljšanju imidža BiH kao investicione lokacije. Kao jedinu veću prepreku za investitore iz arapskih zemalja naveo je vizni režim. Projektom je predviđena gradnja sadržaja poslovnog, stambenog, rekreacionog, sportskog i kulturnog karaktera uključujući i hortikulturu i sadržaje komunalne i društvene infrastrukture, te banja “Buroj ozon”. Direktor Milinić je, osim prezentacije aktivnosti Agencije, naveo da je Bosni i Hercegovini potrebno više investicija i novih radnih mjesta, da su sve aktivnosti Agencije usmjerene u pravcu pronalaženja posla za bh. građane, kao i da se pomogne investitoru u svim fazama realizacije investicije. Dogovoreno je da će „Buroj Ozone” biti stavljen u bazu investicijskih projekata FIPA-e, da će se zajednički raditi na prezentaciji ovog projekta i investicijskih mogućnosti BiH, kao i da će se razmjenjivati sve potrebne informacije u svrhu promocije projekata. Nakon ovog sastanka, FIPA preuzima obavezu praćenja realizacije navedenog projekta sa ciljem pružanja sveobuhvatne podrške i brže realizacije investicije.

Sastanku je prisustvovao i Ramiz Salkić, podpredsjednik Republike Srpske.



PREDSTAVNICI AGENCIJE FIPA ODRŽALI SASTANAK U EPHZHB



Predstavnici Agencije za unapređenje stranih ulaganja Bosne i Hercegovine (FIPA) g. Amir Kazić i gđa. Marija Crnjac održali su sastanak u Elektroprivredi HZHB gdje su se sastali sa g. Dragom Bago v.d. izvršnim direktorom za razvoj. G. Bago je predstavio investicijske projekte sa kojima trenutno raspolaže EPHZHB. Kao najznačajniji projekt je istaknuo skori početak izgradnje VE Mesihovina. Sredstva za izvođenje projekta su osigurana od EPHZHB i ugovora sa Njemačkom KfW bankom. Vjetroelektrana Mesihovina imat će instaliranu snagu oko 44 MW.

Zatim je naveo da su u planu i izgradnje VE Borova glava na lokalitetu između Livna i Tomislavgrada, Velika Vljajna u Mostaru i Poklečani u Posušju.

G. Bago je istaknuo i značaj izgradnje RiTE Kongora u Tomislavgradu gdje bi se otvorilo oko 1000 radnih mjesta, ali realizacija projekta zavisi od stanovnika tog kraja i Općine Tomislavgrad od koje je potrebna predhodna suglasnost i da Općina uvrsti RiTE Kongora u svoj prostorni plan.

Budući da je RiTE Kongora ulaganje od preko milijardu eura, istaknuo je da je potrebno povezivanje sa stranim ulagačima. Pored navedenih projekata planirane su i izgradnje hidroelektrana u Tomislavgradu i Livnu, kao i MHE sliva Lištice.



ODRŽAN SASTANAK SURADNIČKE MREŽE ZA PODRŠKU STRANIM INVESTITORIMA U BiH



17. februara 2016. godine u sjedištu Agencije FIPA u Sarajevu održan je sastanak Suradničke mreže za podršku stranim investitorima u BiH na čelu sa zamjenicom direktora FIPA-e Blaženkom Mišković i pomoćnikom direktora Maidom Bećirović. Ovom prilikom analizirani su rezultati rada mreže u 2015. godini, kao i postojeće poteškoće i prepreke sa kojima se suočavaju investitori u svom poslovanju. Na sastanku su prezentirane prepreke stranim ulaganjima koje su istakli strani investitori koji posluju u BiH, i to : parafiskalni nameti, rokovi plaćanja akciza za duhanske proizvode, Zakon o javnim nabavkama, porezna politika, Zakon o radu FBiH i RS, neujednačena primjena odredbi Odluke o kvalitetu tečnih naftnih goriva BiH, nepostojanje Zakona o šumama u FBiH, nepostojanje Zakona o javno-privatnom partnerstvu na nivou FBiH, dugotrajna procedura za izdavanje građevinske dozvole, česti inspeksijski nadzori, nepostojanje strategije razvoja malih i srednjih preduzeća FBiH, itd. Istaknuta je činjenica da se implementacija preporuka koji se odnose na unapređenje poslovnog ambijenta odvija sporo, te naveden primjer da predstavnici institucija iz RS-a tokom 2015 na više upita Agencije FIPA sa ciljem rješavanja prepreka investitorima nisu odgovorili niti na jedan. Govoreći o otvorenim pitanjima investitora, istaknuto je da se neke primjedbe mogu riješiti za kratko vrijeme, dok se pojedine moraju rješavati sistemski i u tom slučaju je potrebno više vremena za njihovo rješavanje. Direktor Razvojne agencije Tešanj Ismar Alagić je istakao činjenicu da predstavnici Vlade i ministarstava FBiH ne učestvuju u radu Suradničke mreže, iako su se opredijelili za zajednički rad, da je neharmonizirani ekonomski prostor u BiH veliki problem, kao i nedostatak radne snage, te da je priliv stranih ulaganja u BiH jako nizak. Predstavnici Općine Visoko su istakli značaj pretkvalifikacije usljed nedostataka kvalificirane radne snage posebno u oblasti tekstilne industrije na području njihove Općine, te da su kroz GOLD projekat izvršili pretkvalifikaciju određenog broja osoba. Općina Travnik je u suradnji sa GIZ-om radila na pretkvalifikaciji radnika u oblasti metalne industrije. Tuzlanski kanton je usvojio program dokvalifikacije i prekvalifikacije radnika sa biroa i izdvojio 100.000 KM za prekvalifikaciju oko 100 osoba u 2016. Na sastanku se razgovaralo o planu rada Suradničke mreže za naredni period i o izboru kompanija za Aftercare posjete u prvoj polovini 2016. godine. Sastanku su takođe prisustvovali predstavnici Zeničko-dobojskog kantona, Tuzlanskog kantona, Brčko Distrikta, te općina Živinice, Kiseljak, Visoko, Tešanj, Ilijaš, Goražde, Žepče, Travnik, Vitez, Kiseljak i Usora.



FIPA NA KONFERENCIJI „TURIZAM U BIH U SLUŽBI EKONOMSKOG RAZVOJA I RASTA“ U BANJA LUCI



U Banja Luci je u organizaciji švedske Fondacije Jarl Hjalmarson održana Konferencija „Turizam u BiH u službi ekonomskog razvoja i rasta“. Na konferenciji su pored predstavnika fondacije i eksperata učestvovali i Mladen Ivanić, član Predsjedništva BiH i Gordan Milinić, direktor Agencije FIPA.

Direktor FIPA-e Gordan Milinić je govorio o ulozi i aktivnostima Agencije u promociji potencijala turističkog sektora Bosne i Hercegovine, te naveo da je koristeći finansijsku podršku određenih stranih institucija, kao što su USAID, World Bank, OECD, namjenske grantove vlada pojedinih zemalja i sl, FIPA uspijevala uraditi odgovarajuće promotivne materijale, kakvi su bili studije pojedinih sektora, te filmski spotovi kao što su „Enjoy Business,“ i „Enjoy Life“, kao i promovirati BiH kroz različite marketinške kampanje u međunarodnim printanim i elektronskim medijima, kakvi su npr. Financial Times, CNN itd. Također je istakao da su na sličan način, u suradnji i uz finansijsku podršku Svjetske banke, u okviru projekta World Bank/ IFC / Invest in the Western Balkans realizirane i promotivne radionice o mogućnostima ulaganja u turističkom sektoru u više stranih zemalja.

Uz ovo, FIPA prisustvuje brojnim skupovima, radionicama, konferencijama i slično koje organiziraju i najčešće finansijski podržavaju OECD, WAIPA, World Bank, itd, na kojima se u različitim oblicima promovira BiH.

Na konferenciji je istaknuto da turistički sektor BiH ima velike potencijale za razvoj, da posjeduje sve preduvjete da igra značajnu ulogu u razvoju privrede, te da je iz tog razloga, razvoj turizma prepoznat kao jedan od top prioriteta ukupne nacionalne politike ekonomskog razvoja. Najperspektivnije grane bh. turizma su: zimski i planinski turizam, eko turizam, spa turizam, kulturni i vjerski turizam, sportski i avanturistički turizam i morski turizam. Jens Ahl, zamjenik direktora Fondacije Jarl Hjalmarson, zahvalio se direktoru FIPA na učešću i obećao pomoć eksperata Fondacije u privlačenju stranih investicija u BiH.



PREDSTAVNICI AGENCIJE FIPA POSJETILI OPĆINU HADŽIĆI



Predstavnici Agencije za unapređenje stranih investicija Bosne i Hercegovine (FIPA) Maida Bećirović i Adrijana Marić posjetili su Općinu Hadžići 16. februara gdje su se susreli sa načelnikom Hamdom Ejubovićem i njegovim pomoćnikom Eldarom Prohom. Na sastanku se razgovaralo o investicionim potencijalima Općine Hadžići koje bi Agencija mogla kroz svoj rad ponuditi stranim ulagačima.

Općina Hadžići bilježi značajne rezultate kada je u pitanju privlačenje stranih investitora, što je rezultat rada Općine i njenog odnosa prema stranim investicijama.

Predstavnici FIPA-e su posebno bili zainteresirani za lokaciju bivše PDI "Bjelašnica" Hadžići čijih je 96 dunuma zemljišta Općina kupila krajem 2015. godine. Ova lokacija je ocijenjena kao najatraktivnija industrijska zona u Kantonu Sarajevo.



DIREKTOR MILINIĆ RAZGOVARAO SA DIREKTORICOM GRADSKJE RAZVOJNE AGENCIJE ISTOČNO SARAJEVO



Gordan Milinić, direktor Agencije FIPA, primio je 11. februara direktoricu Gradske razvojne agencije Istočno Sarajevo (RAIS) Mladenku Pandurević koja je ovom prilikom prezentirala aktivnosti koje provodi RAIS, projekte koje realiziraju samostalno ili u suradnji sa partnerima, kao i podatke o Istočnom Sarajevu koji pokriva šest općina.

Direktorica Pandurević je posebno istakla rad na projektu upravljanja otpadom za koji je zainteresiran kanadski investitor. Grad Istočno Sarajevo takođe radi na projektima mini hidro elektrana, te projektima iz mašinske industrije, drvne industrije, turizma i poljoprivrede.

Direktor Milinić je prezentirao aktivnosti i nadležnosti Agencije, te govorio o predviđenom prilivu stranih investicija u BiH u 2016. Također je istakao interes određenih investitora za bh. poljoprivredni sektor i energetiku koji su nedavno posjetili FIPA-u. Dogovoreno je da Gradska razvojna agencija Istočno sarajevo svoje projekte kandiduje na listu projekata FIPA radi pomoći u iznalaženju stranih investitora.



EKONOMSKO-KOMERCIJALNI SAVJETNIK AMBASADE SJEDINJENIH AMERIČKIH DRŽAVA U BIH POSJETIO AGENCIJU FIPA



Gordan Milinić, direktor Agencije FIPA, susreo se 11. februara sa Janet Kennedy, ekonomsko-komercijalnim savjetnikom Ambasade Sjedinjenih Američkih Država u BiH.

Na sastanku se govorilo o mogućnostima poboljšanja trgovačke suradnje i američkih investicija u BiH, te jačanju kontakata sa asocijacijama američkih privrednika i potencijalnih investitora.

Direktor Milinić istakao je činjenicu kako je priliv američkih investicija jako nizak, te da postoje mogućnosti za njihovo unapređenje, pa je dogovoreno da se aktivnosti na promociji projekata za investiranje u BiH prema američkim privrednicima intenziviraju.

Među američkim firmama koje posluju u BiH nalaze se Telemach BiH, Carefusion, McDonalds, Marriott, etc. FIPA je surađivala sa USAID-om na Projektu pravosuđa i GOLD projektu, koji je podrazumijevao pomoć u promociji investicija lokalnoj zajednici.



CAPITAL GROUP U FIPA-I: ULAGANJE PREKO 300 MILIONA KM U ENERGETIKU



Idris Fatih Sahin, vlasnik firme Capital Group iz Istanbula, sa saradnicima posjetio je Agenciju FIPA 10. februara gdje je razgovarao sa direktorom Gordanom Milinićem i regionalnim savjetnikom FIPA-e za Hercegovinu Amirom Kazićem o realizaciji svojih investicijskih projekata u BiH. Riječ je o projektima solarne električne energije vrijednosti 300 miliona KM, te projektima iz oblasti turizma i poljoprivrede takođe vrijednih nekoliko stotina miliona KM.

Projekti solarne električne energije podrazumijevaju u I fazi realizaciju 100 MWp solarnih fotonaponskih elektrana širom BiH, od čega na lokalitetu Bančići u Ljubinju će biti izgrađena jedinstvena solarna fotonaponska elektrana snage 65MWp. Takođe, sve je spremno za početak izgradnje solarne fotonaponske elektrane (SFE) Čapljina-Neretva1, snage 5+5 MWp, SFE Ljubinje1, 2MW, SFE Mostar1, 5MW, SFE Mrkovići1, 1.5MWp. Navedena firma takođe planira izgradnju vjetroelektrana u I fazi u visini od 250 MW.

Capital Group Istanbul je vlasnik i osnivač firme ITM Controls d.o.o. Sarajevo, IFS Solar Sarajevo, IFS Solar Ljubinje, Smart Energo Sistemi Pale i Energoinvest TAT- IFS što čine okosnicu za veliki iskorak u okrupnjavanju proizvodnje solarne električne energije.

S obzirom da Capital Group zajedno sa ITM Controls ulaže istovremeno kako u obnovljive energente tako i u proizvodnju zdrave hrane i turizam, uskoro će u Sarajeva u ulici Ferhadija otvoriti prvi u lancu specijalizirani butik "zdrava hrana-energija" gdje će se plasirati određeni vlastiti proizvodi iz eko sela Ekofutura Hreša, Biona Vogošća kao i proizvodi kooperanata iz projekta Jahorina Organic Farm, proizvodi farme alpskih koza Žepa i dr. ITM Controls realizovao je prvu zvaničnu solarnu elektranu u BiH i jedna od prvih u EU - Los Rosales1, 3,9 kWp 2008. godine u Mostaru.



SASTANAK DIREKTORA FIPA-E SE NAČELNIKOM OPĆINE DONJI ŽABAR



Načelnik Općine Donji Žabar Željko Marjanović posjetio je Agenciju za unapređenje stranih investicija BiH (FIPA) 9. februara 2016. godine i održao sastanak sa direktorom Gordanom Milinićem.

Na sastanku se razgovaralo o privrednim aktivnostima Općine i mogućnostima njihovog promoviranja potencijalnim stranim investitorima.

Načelnik Marjanović je takođe zamolio da mu predstavnici FIPA-e dostave informaciju o mogućnostima finansijske podrške Općini u realizaciji infrastrukturnih projekata koji su od značaja za lokalnu zajednicu i njen privredni razvoj.



SASTANAK DIREKTORA FIPA-E SA PREDSTAVNICIMA PROJEKTA POBOLJŠANJA POSLOVNOG OKRUŽENJA I KONKURENTNOSTI U BIH KOJEG IMPLEMENTIRA SVJETSKA BANKA



Direktor Agencije FIPA Gordan Milinić razgovarao je sa predstavnicima Projekta poboljšanja poslovnog okruženja u BiH kojeg implementira Svjetska banka o mogućim aspektima suradnje FIPA-e i grupacije Svjetske banke na navedenom projektu, kao i o nastavku rada u okviru Suradničke mreže za postinvesticionu podršku stranim investitorima u BiH. Na sastanku se također govorilo o daljem unapređenju rada Suradničke mreže, rješavanju otvorenih pitanja investitora i unapređenju tehnika za promociju investicija.

Direktor Milinić je istakao da će biti aktivirani ljudski kapaciteti u BiH i u inostranstvu koji će raditi na privlačenju stranih investitora, kao i da će Agencija FIPA biti koordinator takvih aktivnosti.



DIREKTOR MILINIĆ RAZGOVARAO SA NAČELNIKOM OPĆINE ISTOČNI MOSTAR G. PALAVESTRA



Gordan Milinić, direktor Agencije FIPA, razgovarao je 2. februara 2016. godine sa načelnikom Općine Istočni Mostar Radovanom Palavestra.

Načelnik Palavestra je predstavio projekte za izgradnju putne infrastrukture koja bi povezivala jedan dio Mostara preko Bijelog Polja i Rujišta sa Nevesinjem za koje mu nedostaju finansijska sredstva. Općina Istočni Mostar raspolaže mogućnostima za ulaganje u drvni sektor i poljoprivredu posebno za uzgoj krompira. Pogodno je također tlo za proizvodnju vjetro i sunčeve energije. Međutim osnovni nedostatak ovog područja jeste ustvari neuređena putna infrastruktura, koja onemogućava značajniji razvoj ovog kraja.

Direktor Milinić je obavijestio načelnika o uslugama koje FIPA može ponuditi u konkretnom slučaju.



DIREKTOR AGENCIJE FIPA PRIMIO MINISTRA SAVJETNIKA AMBASADE SLOVENIJE U BIH



Gordan Milinić, direktor Agencije FIPA, primio je 1. februara 2016. godine Gregora Preskera ministra savjetnika Ambasade Slovenije u BiH.

Na sastanku je istaknuto da je Slovenija peti investitor na ljestvici stranih investitora u BiH sa uloženi 462 miliona eura, te da je Bosna i Hercegovina treća zemlja po visini uloženi kapitala Slovenije, poslije Srbije i Hrvatske. Ministar savjetnik Presker je spomenuo kako je određena firme iz Slovenije dobila koncesiju za izgradnju deset protočnih hidrocentrala na rijeci Ljutoj, no da je taj projekat stopiran zbog protivljenja udruženja za očuvanje okoliša. U istom kontekstu je spomenuo i HE Vrbas, te druge neuspjele projekte u BiH. Također je naveo probleme preduzeća Cimos i Perutnina Ptuj koje se žale na učestale posjete nadležnih inspekcija, te zatražio da FIPA pokuša intervenirati radi rješavanja navedenog problema.

Na sastanku je bilo riječi i o pripremama Memoranduma o razumijevanju između BiH i Slovenije o zajedničkom nastupu na trećim tržištima, te Memoranduma o razumijevanju o suradnji u oblasti turizma. Direktor Milinić je obavijestio g. Preskera o intenzivnim aktivnostima Ambasade BiH u Ljubljani na pripremama Poslovnog foruma koji će se održati tokom 2016 u Sloveniji.

Istakao je činjenicu da Agencija FIPA stoji na raspolaganju za sve potrebne konsultacije i žalbe investitora, te rekao da će FIPA intervenirati vezano za Cimos i Perutninu Ptuj kod nadležnih bh. institucija radi rješavanja problema na obostrano zadovoljstvo.



DIREKTOR AGENCIJE FIPA PRIMIO SEKRETARA ZA EKONOMSKE I TRGOVAČKE ODNOSI AMBASADE GRČKE U BIH



Gordan Milinić, direktor Agencije FIPA, primio je 1. februara 2016. godine Dimitriosu Maosa, sekretara za ekonomske i trgovačke odnose Ambasade Grčke u BiH

Na sastanku je razgovarano o realiziranim projektima Vlade Grčke u BiH, mogućnostima buduće suradnje, te o realiziranim investicijama grčkih investitora u BiH poput Alumine iz Vlasenice.

Sekretar Maos je najavio posjetu visoke delegacije Vlade Grčke Bosni i Hercegovini polovinom marta 2016. godine, u okviru koje će biti održan Poslovni forum BiH-Grčka u suradnji sa Vanjsko-trgovinskom komorom BiH i Agencijom FIPA.

G. Maos je prenio zainteresiranost predstavnika Grčke poslovne zajednice za infrastrukturnim projektima u BiH, sektoru turizma, energije, poljoprivrede i proizvodnje hrane.

POSLOVNE VIJESTI ≡



EXCEL ASSEMBLIES PONOVO RADI



GRAD PRIJEDOR NA TOP 10 LISTI EUROPSKIH GRADOVA
TI REGIJA BUDUĆNOSTI



...I JOŠ FIPA POSLOVNIH VIJESTI...



GRAD PRIJEDOR NA TOP 10 LISTI EUROPSKIH GRADOVA I REGIJA BUDUĆNOSTI

Grad Prijedor je prema ocjenama specijaliziranog časopisa za direktna strana ulaganja, FDI Magazine (The Financial Times Group), svrstan u TOP 10 destinacija u kategoriji najboljih europskih investicijskih lokacija prema troškovnoj efikasnosti i strategiji privlačenja investitora. Ovo visoko priznanje ostvareno je u sklopu konkursa Europski gradovi i regije budućnosti za 2016/17. godinu. Rezultati konkursa objavljeni su u prestižnoj publikaciji "fDi Magazine" koji ima veliki broj pretplatnika širom svijeta, a koji su korporativni i internacionalni investicijski profesionalci i eksperti.

Grad Prijedor je u kategoriji fDi mikro Europskih gradova budućnosti 2016/17, osvojio 5. mjesto po visini troškova, odnosno, 4. mjesto po strategiji privlačenja investicija, što je izvrstan rezultat kada se uzme u obzir činjenica da je taj rezultat postignut u konkurenciji od 294 grada i 149 Europskih regiona. Za donošenje odluke o proglašenju najboljih europskih gradova i regija stručni ocjenjivački tim uzima u obzir kriterije kao što su: ekonomski potencijal, isplativost ulaganja, ljudski potencijali, kvaliteta života, prijateljsko poslovno okruženje kao i postojanje strategije za privlačenje investicija. Pozicioniranje na prestižnoj top listi europskih gradova i regija budućnosti predstavlja direktnu preporuku potencijalnim investitorima koje su to lokacije u koje treba ulagati. Ovaj konkurs objavljen je u oktobru prošle godine, a Grad Prijedor kandidovao se na konkurs predstavljajući investicijske potencijale i prednosti koje nudi postojećim, ali i potencijalnim investitorima. Dugogodišnji naponi i dosljednost u investicijskoj podršci dali su rezultat da je Grad Prijedor prepoznat i visoko ocijenjen u dvije kategorije: Top 10 europskih mikro gradova prema troškovnoj efikasnosti i Top 10 europskih mikro gradova – prema strategiji privlačenja investitora. Za ovu prestižnu nagradu „FDI europske gradove i regije budućnost 2016/17“, prijavilo se 481 gradova i regija u okviru pet kategorija. U ovoj grupi pojavljuje se jedan broj gradova i regiona iz zemalja u okruženju, a prošle godine ovu prestižnu nagradu dobili su i predstavnici tzv., BEAR regiona (Tešanj, Teslić i Žepče), koji su takođe uvršteni u Top 10 mikro regiona u kategoriji troškovne efikasnosti. Ove godine, iz Bosne i Hercegovine na listi se našlo još samo Sarajevo, koje je zauzelo 6 mjesto na Top 10 listi srednjih gradova u kategoriji troškovne efikasnosti. Grad Prijedor putem svojih stručnih službi i Agencije "PREDA-PD", već izvjesno vrijeme sprovodi brojne mjere podrške za podsticanje investiranja na svome području, što u ovim izuzetno teškim okolnostima sa kojima se suočava lokalna privreda, ali i privreda regiona, pa čak i globalna ekonomija, predstavlja gotovo jedini ispravan put za prevazilaženje nepovoljnih ekonomskih prilika.

Proaktivan pristup, partnerski odnos sa investitorima, fleksibilnost ponude, administrativna podrška, dosljednost i transparentnost, neki su od obrazaca koji su na raspolaganju lokalnim privrednicima i investitorima, a što je ovoga puta bilo prepoznato kod ocjenjivača najboljih europskih gradova i regija.



BIH MOŽE OČEKIVATI RAST BDP-A DO 3,1 ODSTO U 2016

Guverner Centralne banke BiH Senad Softić procjenjuje da bi se rast realnog bruto domaćeg proizvoda (BDP) u ovoj godini mogao kretati od 2,3 do 3,1 odsto, te da će pozitivan trend zavisiti od uspješnosti sprovođenja reformi.

Reforme bi trebale da obezbijede veću konkurentnost domaće ekonomije, što bi trebalo da povoljno utječe na dotok direktnih stranih investicija, od kojih umnogome zavisi rast domaće ekonomije.



EXCEL ASSEMBLIES PONOVO RADI

Firma Excel Assemblies BH iz Maglaja koja se bavi proizvodnjom kablovskih sastava i sistema za strane proizvođače vozila i teških mašina, pretrpjela je velike štete u katastrofalnim poplava u maju 2014., a danas ponovo radi.

Zahvaljujući EU Programu za oporavak od poplava koji provodi UNDP, firma se oporavila i nastavila proizvodnju sa svojih pet stotina radnika koji rade u tri smjene.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA